

第五十五冊

痘疹門

054152

圖書集成醫部全錄



通俗圖書刊行社刊行

會文堂新記書局發行

欽定古今圖書集成醫部全錄第五十五冊目錄

卷四百七十三彙考四百七十三

痘疹門十五

郭子章博集稀痘方論

- ①未生——②初生——③避地——④總論——⑤避忌方——⑥禁忌法——⑦丹
溪驗輕重法——⑧痘疹辨——⑦

吳崑醫方考

- ①痘紋——②三四日前諸方——③五六日間方藥——④七八日間方藥——⑤十
日以後諸方——⑥妊婦患痘方——⑦痘瘡濕爛——⑥

樓英醫學綱目

- ①痘瘡治法——②張巽之治痘要法——③王氏驗斑法——④關氏驗證施治——⑤
⑥傷食宜消導——⑦⑧五臟形證——⑨順逆輕重辨——⑩不治證——⑥

卷四百七十四彙考四百七十四

痘疹門十六

徐春甫痘疹洩祕

- ①痘疹表裏不同——②痘夾疹——③發熱久解散多必輕——④痘本胎毒——⑤痘發心經——⑥出辨吉凶——⑦不用服藥例——⑧合用服藥例——⑨驚搐——⑩嘔吐——⑪泄瀉——⑫喘渴——⑬服祕——⑭白濁——⑮黑陷——⑯痒——⑰痛——⑱痘疔——⑲斑疹——⑳斑爛——㉑爛爛——㉒聲啞水噎——㉓寒戰咬牙——㉔面目發腫——㉕晝夜啼哭——㉖不乳食——㉗入目——㉘不灌漿——㉙不結痂——㉚不落痂——㉛癰痕凹凸——㉜痘後癰節——㉝痘後餘熱——㉞形證輕重——㉟首尾可畏——㊱蠟紅白黑四色辨——㊲順候——㊳逆候——㊴惡候——㊵順逆險按期候法——㊶三四日間——㊷四五日間——㊸五六月間——㊹漿滿候——㊺回漿候——㊻結痂候——㊼還元候——㊽解熱稀痘——㊾始終調攝——㊿解表——①攻裏——②托裏——③養胃——④輕重——⑤發熱三朝——⑥出痘三朝——⑦灌漿三朝——⑧回漿三朝——⑨結靨三朝——⑩治例——⑪預解——⑫護眼——⑬首尾不可汗下辯——⑭禁忌——⑮不治證——⑯

卷四百七十五彙考四百七十五

痘疹門十七

王肯堂證治準繩

- ①痘疹新源一五 ②袁氏痘前治法一四 ③運氣一五 ④辨疑似一五 ⑤驗熱時候一五 ⑥用藥驗是否一五 ⑦驗證施治一五 ⑧五臟見證一五 ⑨痘家有八門五樞三關兩終五軸之分一五 ⑩袁氏閱痘重門欄輔軸四字一五 ⑪脈候一五 ⑫虛實一五 ⑬虛證調護論一五 ⑭虛證補氣不補血一五 ⑮虛證壞勢必至辨一五 ⑯虛證變實一五 ⑰虛證似實一五 ⑱實證似虛一五 ⑲熱證變虛一五 ⑳寒熱變虛一五 ㉑寒熱用異功辨一五 ㉒陰陽一五 ㉓輕重一五 ㉔輕痘歌一五 ㉕重痘歌一五 ㉖順逆一五 ㉗形色一五 ㉘始終一五 ㉙日數一五 ㉚禁忌一五 ㉛痘觸變焦紫治法一五 ㉜痘觸變灰白治法一五 ㉝月水觸變治法一五 ㉞唇舌觸癢治法一五 ㉟屍厥觸變治法一五 ㊱客忤觸變治法一五 ㊲獸驚痘縮治法一五 ㊳烏龍散方一五 ㊴汗下一五

卷四百七十六彙考四百七十六

痘疹門十八

王肯堂證治準繩

- ①證治大法一六 ②分氣血虛實一七 ③分氣虛血熱熱壅三證一七 ④溫補宜審一七
⑤用藥一七 ⑥初熱證治一七 ⑦攻裏一七 ⑧初熱吉凶一七 ⑨見形證治一七
⑩發熱一二日便出一七 ⑪發熱四五六日始出一七 ⑫應出不出出一七 ⑬出太密一八
⑭發表一八 ⑮攻裏一八 ⑯涼血一八 ⑰出不快一八 ⑱大發一八 ⑲攻裏一八
⑳紫草例一八 ㉑出見部分一八 ㉒出見形色一八 ㉓護咽喉一八 ㉔護目一八
㉕夾疹夾斑一八 ㉖痘瘡一八 ㉗子母痘一八 ㉘禁忌一八 ㉙見形三朝生死一八

卷四百七十七彙考四百七十七

痘疹門十九

王肯堂證治準繩

- ①起發證治一九 ②乾枯灰白紅紫青黯一九 ③頂陷一九 ④頂凸一九 ⑤粘連一九
⑥陷伏一九 ⑦大便一九 ⑧手足一九 ⑨頭面一九 ⑩痘疔一九 ⑪發痘一九
⑫起發不透一九 ⑬陽毒一九 ⑭起發吉凶一九 ⑮灌漿證治一九 ⑯不作膿一九
⑰脾胃一九 ⑱泄瀉一九 ⑲便秘手足厥冷一九 ⑳煩躁一九 ㉑錯喉嘔噦一九
㉒癢一九 ㉓頭面一九 ㉔手足一九 ㉕肩背臂一九 ㉖漏漿一九 ㉗咽喉不
利涕唾稠粘一九 ㉘睡夢呢喃一九 ㉙腹痛一九 ㉚斑爛一九 ㉛板黃一九
㉜灌膿吉凶一九 ㉝收靨證治一九 ㉞潰爛一九 ㉟倒靨一九 ㊱不緊悶亂哽氣

腹脹——二〇 泄瀉——二〇 面——一八 人中——二〇 頭足——二〇 疳蝕——二〇
 口疳——二〇 喉痹——二〇 發熱——二〇 收醫吉凶——二〇 落痂證治癰赤黑——
 二〇 癰黑暗——二〇 痂不脫——二 癰腫成膿——二 能食不能食——二 癰
 痕赤白——二三 禁忌——二三

卷四百七十八彙考四百七十八

痘疹門二十

王肯堂證治準繩

發熱——二三 渴——二四 煩躁——二六 譫妄——二六 驚搐——二七 中風——二九
 自汗——一〇 失血——二三 衄血吐血——二三 便血——二三 溺血——二三
 掀裂出血——二三 不能食——二三 欬嗽——二四 喘——二五 涕唾稠粘——二六
 失音——二六 噎水——二七 吐瀉——二七 吐逆——二八 瀉利——二九 大小便秘
 小便不利——三一 大便秘——三一 寒戰咬牙——三一 厥逆——三一 眼
 目——二三

卷四百七十九彙考四百七十九

痘疹門二十一

王肯堂證治準繩

- ①咽喉——一三五 ②腰痛——一三五 ③腹痛——一三五 ④腹脹——一三五 ⑤腹脹分虛實寒熱——一三五
⑥薑附湯論——一四〇 ⑦痛——一四〇 ⑧身痛——一四一 ⑨癢塌——一四一 ⑩爬破——一四三 ⑪陷
伏倒靨——一四四 ⑫黑陷——一四四 ⑬灰白——一四四 ⑭夾疹——一四六 ⑮夾斑——一四六 ⑯夾丹——
一四九 ⑰夾瘡瘍——一五〇 ⑱夾損傷——一五〇 ⑲痘行——一五〇 ⑳捲簾行——一五一 ㉑燕窩行——
一五二 ㉒火珠疔——一五三 ㉓忘汲疔——一五三 ㉔象虎疔——一五三 ㉕注命疔——一五三 ㉖曬合疔——
一五三 ㉗透腸疔——一五五 ㉘潰爛——一五五 ㉙臭痘——一五五 ㉚蛆痘——一五五 ㉛驗面——一五五
㉜痘後餘毒證治——一五五 ㉝癰癤——一五五 ㉞癰疹——一五五 ㉟丹瘤——一五五 ㊱發熱——一五五
㊲骨節作痛——一五五 ㊳水痘——一五五 ㊴癰疹——一五五 ㊵初熱——一五五 ㊶見形——一五五 ㊷禁
忌——一六〇

欽定古今圖書集成醫部全錄

醫部彙考四百七十三

痘疹門十五

郭子章博集稀痘方論

○未生

魏氏曰：痘者豆也，象其形而名之也。順其形則順，逆其形則逆，以見前人命名之義有在矣。蓋痘之爲證，根於精血之初，而成於淫火之後。男女交媾，無欲不行，無火不動，欲因火生，火因欲熾，精行血就，何莫非火之所爲。且二五妙合，精血鎔冶而成臟腑皮毛筋骨之形。夫形既成而火即已中乎衆體，無象無臭，人可得而測耶？毒中必發，特俟其時耳。俟時而發，必假氣血，有如真金雜銅，須借火之煨煉，斯其銅可出，故胎毒非氣弗領，非血弗載，使氣不盛，則何能逐其毒，血不榮，則何能任其毒？氣血運用領載之功不前，又惡乎能解？以此觀彼，豈不明甚矣乎！又若痘有稀稠，乃受火有淺深之故，而其吉凶生死，亦皆於此焉分。或遇天行時氣，變動而發者何也？天地之沴氣與人身之遺毒，同一橐籥，相感而動，如水流濕，火就燥，雲從龍，風從虎之義，而又人之真氣與客氣不容並立故也。予嘗察其剋害生靈，非天之設，非火之罪，誠父母之過也，明者鑒之！

蔡氏曰：小兒在母腹中，其母因知禁忌，或好食辛辣之物，或恣意淫慾，以此蘊毒流注小兒經絡，他日發爲痘疹，職

此之由。

指掌圖曰：夫嬰兒在胎，稟陰陽五行之氣，以生臟腑百骸，氣血筋脈，其形雖具，肌體未實，骨格未成，陽氣既足，陰血未全，所以不可太飽煖以消其陰。此丹溪先生之大戒也。然兒在腹中，必藉母氣血所養，故母熱子熱，母寒子寒，母驚子驚，母弱子弱，所以有胎熱、胎寒、胎驚、胎弱之證。

方廣附丹溪心法曰：廣按痘疹之源，蓋由母妊娠之時，飲食煎炒，炙煖，厚味，醇酒，兒在腹中，浸漬食母血穢蘊而成毒，伏於五臟之間，及生之後，或因外感風寒，內傷生冷，跌撲驚恐，時氣流行，觸動鬱火，發於肌膚之間，心臟之毒爲斑，肺臟之毒爲疹，肝臟之毒爲水泡瘡，脾臟之毒爲膿泡瘡。小兒稟厚毒少，氣血調勻，表裏充實，則易發易醫，傷或稟弱毒勝，表裏虛，氣血弱，必須醫藥調治，庶幾有生。

拙者曰：前者之論，猶是古人胎教遺意，嬰孩之痘疹痘最厲，父母罹此，孰不痛悼？顧達者委命，愚者尤神，孽自己作，誰則知之？彼筭貸者流，曰：不辨書，責在人父。父爲母誦說，母爲兒保練，庶幾培根清源之助。余聞婦有身者，別寢處，淡飲食，謹視聽，免而男女端正，聰慧堅強，健固，微獨省胎毒，免痘厲已也，故與其痛悼於後，孰若謹嚴於初！

（初生）

蔡氏曰：兒在母腹，饑則食血，渴則飲血，當其降生，口中尚有惡血，啼聲一發，隨吸而下，復歸命門胞中，僻於一隅，伏而不發，直至因內傷乳食濕熱之氣，下流合於腎中，二火交攻，致榮氣不從逆於內，埋惡血乃發諸疹痘也。

又曰：小兒在胎時，每月食血餅一個，臨生時，或有在口中食未盡者，當於啼聲未出之先用繇包指入口拭淨，斯免嚙入流毒之患。但是倉卒之際，鮮有不嚙入者。訪之收生老嫗，間有取出血餅，有胎死畜類，常有血餅，假彼驗此，信爲不誣。

指掌圖曰：初生未啼之時，口中尚有惡汁，急令拭去，更用甘草黃連湯硃砂蜜頻與之，以解五臟穢毒，不惟無驚熱之患，抑免痘疹之患。月裏常令啼哭，則胎中所受熱毒從而散之，胎中驚氣得而解之。

丹溪曰：小兒初生，未經食乳，急取甘草一寸，火上炙熟，細切，置地上，出火毒一時許，用水一小盞，熬去二分之一，去滓，用新綿蘸滴兒口中，令嚥盡，須臾吐出，及瘀血方與乳食，年長智廣無病。

蔡氏曰：初生時宜服甘草湯，甘草一寸許，微炙去皮，用水三蜺殼，煎至一殼，以絛包指蘸藥與兒啖之，隨吐穢液一二口，免將來流毒之害。蘇湖陰氏傳方，與蔡微異。陰云：小兒初生時，預煎甘草湯，以絛裹指拭口淨，即灌藥一匙，淮生地黃五錢，好砂砂三分，當歸身三錢，以絹包指用清水一鍾，文火煎成膏，初生時服，開乳後服，則不驗矣。

拙者曰：初生未啼，拭去惡汁，未乳先飲以藥，此稀痘第一義。顧倉卒之時，誰暇及此？是在爲大父者，定志預藥以備之耳。或曰：男兒墮地，啼聲旋出，然亦間有未盡然者，蚤計之可也。

蔡氏曰：初浴時用猪膽一枚入湯，主不生痘疾。一二朝淡豆豉用一二枚，研極細，抹入兒口，以乳啖之，能利臍屎，其毒自消。

又取兒生臍帶脫落，置新瓦上，用灰火四圍燒，烟將盡，瓦盤蓋地上，存性研末，預將透明硃砂細末水飛，若臍帶重五分，硃砂末二分半，以生地黃當歸身煎濃汁一二蜺殼，調和前兩味，抹兒上，齟間及母乳頭上，一日之內，用盡次日大便穢垢，終身無疥疹諸疾，此十分妙法也。

拙者曰：兒方墮地，藥之，甫脫臍藥之，白庸俗論，似若迂緩，且無病投藥，世多忌戒，而不知泄毒稀痘，此其最緊要處，舍此不圖，而從事於後藥，蓋童牛之牯與豨豕之牙，也有間矣。

○避地

拙者曰：痘瘡，胎中之毒氣也，鄉鄰痘瘡盛發，天地之沴氣也，天地之沴氣，與胎中之毒氣相觸而成痘，故一兒痘，百兒隨之，氣爲之也。重則俱重，沴氣厲也，輕則俱輕，沴氣未甚厲也。時證方重，而獨輕者，胎毒輕也；時證方輕，而獨重者，胎毒重也。若天行不正，沴氣爲厲，兒未出痘者，可避之五六里外，氣不相觸，痘惡乎發？吾鄉都諫曾前川先生，艱於子息，晚得兒女，恐爲痘虐，一遇痘發，東西遁避，今其子女年四十餘，俱未出痘，然業已不復避矣。嗟夫！

吉則趨，凶則避，聖人與民同患，水能溺人，沒者死焉，虎能噬人，掠者傷焉，彼土處而市居者，亡恙也。昧昧者曰：是數也，不可逃也，則坐以待其斃已矣。

四總論

仁齋直指曰：瘡疹之論，秦漢以來其詳可得聞也。粵自扁鵲倉公作古，以爲嬰孩湯散，當先和節陰陽，調治榮衛，方利臟腑，即熱氣漸解，而董汲張漢初虞世樞眞子諸醫，每曰瘡疹證候初覺，即疏利之，以宣其毒。又曰：已出者不可疏利，瘡出已定，却用利之，余竊惑焉。蓋嘗深案古書之意，見其諄複持重，不直曰利臟腑，而必以和陰陽調營衛先之。則知古人所謂利者，暢達流行之謂，而非勇決峻下者比也。如曰：已患之後，俗多禁餌，大小便不通，不能調湯藥以和臟腑，遂停敗熱於其間。是古人之利大小便，不過調劑以和之而已。如曰：已出者，可服平和湯藥，療其肝臟，解其敗熱，以防熱毒攻眼，是其解熱又易嘗不用平和之劑乎？然則破諸家似是之非，開後世未明之惑，惟錢氏直說朱氏活人書其說爲甚正。錢氏療瘡疹證候，惟用溫涼藥治之，不可妄下及妄攻發。朱氏曰：瘡疹已發，未發俱不可攻擊，此爲大戒。又曰：瘡疹首尾皆不可下，輒用利藥，即毒氣入裏，殺人。以此觀之，瘡疹證狀雖與傷寒相似，而瘡疹治法實與傷寒不同。傷寒所傳，從表入裏，瘡疹所發，從裏出表。蓋毒根於裏，若下之，則內氣一虛，毒不能出而返入焉。由是土不勝水，黑陷者有之；毒發於表，若汗之，則營衛一虛，重令洞泄，轉增瘡爛。由是風邪乘間變證者有之。汗下二說，古人所深戒也。調解之法將何如？曰：活血調氣，安表和中，輕清消毒，溫涼之劑二者得兼而已。溫如當歸黃芪、木香輩，涼如前胡、乾葛、升麻輩，佐之以川芎、芍藥、枳殼、桔梗、羌活、木通、紫草、甘草之屬，則可以調適矣。丹溪曰：凡熱不可驟遏，但輕解之，若無熱，則瘡又不能發也。

小兒凡覺自熱，證似傷寒，若未經瘡痘，疑似未明，且先與惺惺散、參蘇飲，或人參羌活散，熱甚則與升麻葛根湯，人參敗毒散，若一見紅點，便忌葛根湯，恐發得表虛也。

凡痘瘡初欲出時，身發熱，鼻尖冷，呵欠欬嗽，面赤方是痘出之候，便宜服升麻葛根湯，加山楂、大力子，其瘡稀疏而

易愈。

凡痘發熱未出時，便以惡質子爲末，蜜調，貼顙門上，免有患眼之疾。

凡初出之際，須看胃前，若稠密，急宜消毒飲，加山楂、黃芩酒洗、紫草減食，加人參。

初出之時色白者，便大補氣血，參朮、芪芍、升麻、葛根、甘草、木香、丁香酒洗、當歸、白芍藥，若大便瀉，加訶子、肉豆蔻。

初起時自汗不妨，蓋濕熱熏蒸而然故也。出不快者，加味四聖散、紫草飲子、紫草木香湯、紫草木通湯，或快斑散、絲瓜湯。

出太甚者，人參敗毒散、犀角地黃湯。

嬰童百問曰：痘疹證初感未出而發熱者，扁鵲油劑法治之，則出痘疹甚稀，或卽消解而瘡疹不發者，有之自然解散而安泰矣。

蔡氏曰：初覺發熱之時，以黃藥膏傳於面，白芥菜子敷於足，乾胭脂塗其目，清香油潤其脊，此皆思患預防之法也。已上藥俱可用，俗用銅鏡照面目者，欲取涼氣以散熱血也。又有抱兒觀井、投菉豆七枚者，亦取其極視以受水氣之涼故也。

蔡氏疏利論曰：痘瘡之熱，與諸熱不同，又須審其勢之輕重，重則發散之，服硃砂散、升麻湯、參蘇飲、惺惺飲之類；輕則疏利之，服紫草散、五苓散之類。首尾俱不可汗下，二說古人之所深戒也。

始出之時，壯熱無度，其瘡隱隱在皮膚腹內，疼痛不止，此是一團陽火擊搏於內，無由發泄也。用五苓散導心火，或用四物湯加酒苓連，其出自易。若本來稀少，熱不壯盛，非惟不可疏利，亦不可發散，不知所謹則操戈入室，其禍自生矣。

痘疹始發熱之時，若壯盛，則用五苓散以疏利之，甚則用酒苓連以解之，少緩則用升麻湯以發散之。悞用其藥，不斑爛則虛脫，可不謹哉！

拙者曰：初熱時痘已萌芽矣，而猶具載方論者，其熱尚微，其毒可解，故扁鵲油劑曰：以止痘也。丹溪升麻湯曰：欲其疎也，則猶稀痘之旨也。易曰：幾者動之微，吉之先見者也，微處著力，惡乎不吉？

⑤ 避忌方

魏氏曰：戒燒香烟避穢，痘出之際，有等俗會用雜香柴燒烟避穢，殊不知烟氣滿室，朦朧大人難以當之，小兒焉能受乎？觸傷肺氣，惹兒咳嗽，反爲害也。戒之，只可以微微燒之，蓋痘本屬於脾土，以其畏氣和脾土也。拙者曰：門戶不謹，不免寒邪之傷，房事不禁，必受悶亂之毒，爲之父母者，固不可以不慎矣。若月經狐臭，設在其母，幼子時刻不可離，將何如哉？必嘗加潔淨，每易新衣，不使其氣侵膚，庶幾可也。燒芸檀等類者，榮衛得香而運行故也。若此小兒，又愈於芸檀，只此二味足矣。以胡荽酒噴之，掛於圍幃，以除穢氣。浸醋炭一以辟除外邪，一以接兒不足之氣，有以水代醋，恐其氣侵人者，殊不知醋亦能運行氣血也。近日有用新磚燒紅，侵水醋者，亦爲近理。

⑥ 禁忌法

生人往來，穢氣相觸，犯房室，醉氣沖，胃罵呼怒，婦人經水，房內炙燂，對梳頭，對搔癢，感冒風寒，房內大熱，乳食過節，食蜜，食紅柿，掃地，常和暖節飲食，調理得宜，勿屠宰，勿飲食歌樂，勿煎炒炙燂，勿對面荒語，勿燒烟氣相觸，勿嘻笑，勿僧道師巫入房，內相見行淨，此輩罕有存心爲念，葷酒色慾者多，故反被厭耳。戒之，戒之，勿用少年婦人入房，恐苟合者，恐經水者，故不淨者也。新磚三塊燒熱，常用清水於房門外漬可也。

拙者曰：公論避忌之方詳矣，世知用醋炙炭，焉知接兒不足之氣？世知燒香，焉知以和脾土？此尤是妙解語，館不辟除，貴人不吝，況兒痘方出，神氣外耗，尤爲至寶至貴者乎？故曰：不潔則神不處。

⑦ 丹溪驗輕重法

輕者作三次出，大小不一，頭面稀少，眼中無根，窠紅肥滿光澤。

重者一齊并出，如蠶種稠密，瀉渴灰白色，頭溫足冷，身溫腹脹。

輕變重，犯房事，不忌口，先曾瀉，飲冷水，餌涼藥。

重變輕，避風寒，常和暖，大便秘。

拙者曰：證有輕重，較然矣！戒之則重者輕，不戒則輕者重，爲人父母，不幸兒重，亡可如何，奈何！今本輕者重乎？則不戒之過也，戒之哉！戒之哉！

⑧痘疹辨

拙者曰：疹與痘二證也，其證異，其治之方亦異。世之庸醫，既未之辨，而諸儒著書，亦濶焉無別，其爲兒賊，何可勝言！如嬰童百問第九十九問，問痲證水痘，第一百問，問疥疹，夫疹卽痲也，在江北名疹，在江南名痲，在南京又名沙子，一病而兩問可乎？且業已問疥疹矣，而論與方俱治痘證，不一及疹，豈以治痘者亦可治疹乎？其謬甚矣！陳文中疥疹混同立論，方廣駁之曰：夫痘疹出於脾，其間有熱燥者，有寒熱者，而斑疹出於心肺，心肺屬陽，多是風熱兼痰，而作陳氏同論，豈不悞哉！百問祕書也，文中名醫也，而猶若是，他書可知矣。博愛心齋專論痘而未及疹，惜其未備。仁齋直指論治痘而名瘡疹，惜其未辨。丹溪心法，斑疹痘瘡各立病目，亦既明晰，顧以痘瘡屬小兒，而以斑疹屬大方，其實小兒出疹者十八九也，惜其未詳。余未知醫，以意論之，疹小痘大，疹輕痘重，疹宜汗宜表，而痘始終不可汗表，疹宜清宜涼，而痘不可一於清涼，何可比言之哉！近肝胎蔡氏有斑疹水痘大痘一論，詳備明著，發千古所未發。余方疑諸書偶得是論，渙然怡然，因爲著疹痘辨而并錄其論。

吳崑醫方考

①痘紋

小兒壯熱，呵欠頓悶，時發驚悸，或吐或瀉，手足時冷，面頰腮赤，噤口者，爲痘證也。蓋痘出於五臟，由內達外，是以各顯其證。呵欠頓悶，肝之證也；時發驚悸，心之證也；或吐或瀉，手足時冷者，脾之證也；頰赤噤口，肺之證也。錢氏謂獨有腎臟無證，此大不然。若腰痛喜寐，則腎之證也。五臟之證盡顯然者，其痘必多，但顯一二證者，其痘必少。魏氏以痘本於淫火，其言高出前古。雖其主方近於執一，然錄古人一十四方，則示人以變通，也可知矣。今世之醫，率以是短之。使諸子並作於九原，豈遇魏氏，則北面而師之，遇錢陳則肩隨而已。所以然者，二子之資不及魏也。茲考羣方，則以百家而出入之，初不拘拘於三子矣。

○三四日前諸方

小兒初間發熱壯盛，爲風寒，爲痘疹，莫能的辨。升麻葛根湯穩當，宜主用之。夫表熱壯盛，此邪實於表也。經曰：輕可以去實，故用升麻葛根以疏表，甘草佐之，可以和在表之氣。芍藥佐之，可以和在表之榮。去其實邪，和其營衛，風寒則解，痘疹則出，誠初間之良劑也。如至四五日痘中夾疹者，亦此方主之。疹散只依常法治痘。

風寒壯熱，體重頭痛，痰嗽壅盛者，參蘇飲主之。夫風寒客於外，故用紫蘇、乾葛以發表，痰嗽壅於內，故用半夏、前胡、桔梗、陳皮、茯苓以安裏，邪去之後，中外必虛，人參、甘草急固其虛。此則表和而痘易出，裏和而氣不虛，表裏無失，斯良劑矣。

天寒腠密，表熱壯盛者，麻黃湯主之。夫解表之藥有三品：辛涼、辛溫、辛熱也。夏月表氣易泄，宜用辛涼；春秋表氣平調，宜用辛溫；若天寒之時，表氣閉密，辛涼辛溫不能解散，故以麻黃桂枝之辛熱者以主之，亦各當其可而已。佐以杏仁，利其氣也；佐以甘草，和其氣也。

發熱之初，未明是痘形體怯弱者，惺惺散主之。夫人參、白朮、茯苓、甘草，防其虛也；乃細辛、桔梗，所以疏其陽；天花粉、白芍藥，所以和其陰。

風熱驚搐者，以加味紅綿散調抱龍丸。夫痘之出也，自內達外，心熱則驚，肝熱則搐，所以搐者風也，所以驚者熱也。

是方也。麻黃、荊芥、薄荷、天麻、全蠍、蟬蛻，所以消風解熱，乃紫草者，所以解毒發痘而活血也。

痘前發驚者，抱龍丸主之。夫明者可以安神，故用琥珀、珍珠，重者可以去怯，故用辰砂、金箔。氣竅可以利竅，故用雄黃、沉檀、木麝。甘溫可以固元，故用人參、辛燥，可使開痰，故用南星。寒涼可使清熱，故用芩、黃。

痘出見點未盡者，羌活透肌湯主之。夫表氣未疏，則出有不盡，故用羌活、柴胡、前胡、川芎以疏表。裏氣未利，則出有不速，故用半夏、茯苓、陳皮、甘草、桔梗以調裏。當歸活表裏之血，山楂消表裏之滯，血活滯消，則痘之出也易易矣。

氣弱痘出不盡者，透肌散主之。夫人參、甘草能益氣而補中，紫草、木通能透肌而起痘，升麻、蟬蛻能退熱而消風，乃芍藥者，所以調陰氣而和營衛也。

咽喉腫痛者，甘桔湯主之。夫甘草之甘瀉實火而補虛火，桔梗之苦清喉熱而瀉氣熱。咽喉腫痛，膈上熱盛者，消毒飲主之。夫牛蒡子疏喉中風寒之痰，荊芥穗清膈間風寒之熱，生甘草緩喉中風壅之氣，乃防風者散諸風，不去之邪也。

痰嗽風熱聲啞喉痛者，加味如聖散主之。夫牛蒡子、麥門冬療風痰而清肺熱，荊芥、防風散風邪而升鬱熱，甘草、桔梗、黃芩利咽喉而清氣熱，犀角、黑參涼心膈而療結熱，熱去則金清，金清則聲啞瘥矣。

痘已出未出，熱壅不快，並宜服紫草化毒湯。夫紫草活竅利血化毒，陳皮快膈消痰利氣，升麻消風發散瘡瘍，甘草補虛和中解熱，木通之加爲導熱邪，由溺而泄爾。

痘中夾斑之輕者，前胡化斑散主之。夫斑之淡紅色者，斑之輕也。治痘中之斑，與傷寒雜證不同。傷寒之斑宜主寒涼，痘中之斑寒之則血凝而痘不起，雜證之斑間用溫補，痘中之斑補之則血溢而斑愈盛。此方用酒紅花、當歸、赤芍藥，所以活斑中之血，前胡、白芷、陳皮、荊芥，所以利表裏之氣，乃胡委子、甘草節、酒鬱金皆所以散滯氣爾。此其爲藥利營調衛，不寒不熱，誠得治痘斑之理也。師云：斑證之原，由初間不能清熱解毒，若能於初間清熱解毒，胡然有斑。

斑

痘中有赤黑斑，狂言煩躁者，再造丸主之。夫原是實熱之證，失於清熱化毒，則令痘中夾斑，治之失道，則熱益盛而斑亦黑矣。若以手按之血散者可治，是方也。生玳瑁能解毒而化斑，蜈蚣能從毒而化毒，水蛭能散瘀而破血，片腦能化氣而利竅，麻黃能透肌而達表，和之以豬尾血，取其動而不滯爾。

裏熱壅盛者，黃連解毒湯主之。夫無熱固不化毒，熱壅則毒亦不化，故用黃連瀉心火，黃芩瀉肺肝之火，黃蘗瀉腎火，梔子瀉上下之火。無他證而惟熱壅，故用藥亦精專焉。

裏熱渴甚者，人參白虎湯主之。夫石膏清胃熱，胃清則不渴，人參、知母、甘草、桔梗化氣而生津液，液生則渴自止。

裏熱小便黃赤，神氣不清者，辰砂益元散主之。夫滑石清利六腑，甘草解熱調中，辰砂安神去怯。

小便黃赤，口乾煩渴者，加味導赤散主之。夫內熱故用生地黃，小便黃赤故導以木通、竹葉、燈心、口乾煩渴，故潤以人參、麥冬、甘草，乃氣化而津液自生也。

小便祕澀者，七正散主之。夫治痘而必欲利小便者，水循其道而後地平天成故也。是方也，車前能滑竅，赤茯苓能滲熱，木通能通滯，山梔能瀉火，甘草梢能通莖，扁蓄能利水，膽草能利熱，七物者，導其熱邪，正其中氣，故曰七正。實熱內壅，腹脹祕結，痘不能出者，四順清涼飲主之。夫痘以熱而出，固不能以無熱，若實熱內壅，腹脹便祕，則三焦之氣不化而痘不能出，故用大黃通其滯，當歸活其血，芍藥養其陰，甘草調其胃，通利之後，表裏氣血皆承順矣，故曰四順。

形質虛弱，而大便祕結，不堪下者，用蜜熬滴水成珠，擦作棗子狀，鷄翎爲心，少粘皂角末，納入穀道中，病人以手急抱，卽出之，便隨通矣。此以正氣怯弱，不堪攻下故爾。

⑤五六日間方藥

痘中氣血凝滯者，活血散主之。夫氣貴利而不貴滯，血貴活而不貴凝，木香、川芎調其氣滯，芍藥、歸尾、紫草、紅花、血竭理其血凝。